



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MCLXXXI. ad annum MCCCXIV.

Parisiis, 1644

Concilium Romanum Pro Expeditione In Terram Sanctam suscipienda
indictum anno Domini MCCXXXIV. sub Gregorio IX. papa.

urn:nbn:de:hbz:466:1-15974

Locus corruptus.

contentus iniuria, qua mercede recompensans, in qua patris irrumpit solium, matris exponere pudicitiam, & vendicare sanctuarium indeuotus intentat, astutus ad hæc in ipsa armatur insidiis, prælatis nuper vocatis a nobis accessum suis terroribus interdicens, vt nullius expers calumniæ, illam quam grauibus infestat molestiis, nec in filiorum patitur solatio respirare. Cum igitur tam sanctum generalis vtilitatis propositum sub fiducia diuini fauoris assumptum humanis non debeat versutiis retardari, fraternitatem vestram rogamus, monentes attente per apostolica scripta, & districte præcipiendo mandantes, vt Deum præferens homini, & difficultatibus omnibus ob meritum fidei anteponeus, in supradicto termino ad sedem apostolicam accedere non omittas: vt mater filiorum roborata præsentia, hostis aduerfantis obstaculo prouidentia diuina sublato, piæ intentionis exordium felici consummatione concludat. Nos enim super omnibus quæ ad tantum negotium expediunt, annuente Domino, prouidere curabimus, prout tibi ex parte nostra plenius exponetur. Datum Laterani, Idibus Octobris, pontificatus nostri anno decimoquarto.

CONCILIVM ROMANVM
PRO EXPEDITIONE IN TERRAM SANCTAM
suscipienda indictum anno Domini MCCXXXIV. sub
Gregorio IX. papa.

NOTA.

^a *Concilium.*] Bzouius auctoritate epistolarum a Gregorio IX. scriptarum acta huius Concilii summatim enarrat his verbis: Eodem anno Gregorius pontifex recuperationi terra sancta intentus Concilium Roma celebrauit. Intererant cum imperatore Friderico & archiepiscopis atque episcopis, patriarcha Constantinopolitanus, Antiochenus & Hierosolymitanus. Ex omnium iudicio decreta est expeditio generalis ad subueniendum rebus Syriacis. Huic sacro negotio prepositus fuit Theodoricus archiepiscopus Rauennas, cum potestate legati de latere: quem vt omnes debito honore prosequerentur, & in rebus agendis illi obtemperarent, ex sententia Concilii Gregorius omnibus archiepiscopis & episcopis in regno Hierosolymitano scripsit Spoleti sexto Augusti: Fridericus autem imperator vniuersis baronibus, militibus & populo idem precepit, datis Reate literis anno dominica incarnationis 1234. mense Augusto, indictione septima. Concessit tunc Gregorius Theodorico & subiunctis illi

ANNO CHRISTI 1234. *episcopis, ut omnis pena peccatis debita remissionem iis auctoritate pontificia indulgerent qui in Hierosolymitanam expeditionem aut ipsi exirent, aut pecuniam militisve submitterent. Iniunxitque episcopis, ut Cruce insignire eos possent qui in eo sacro bello militaturi accederent. Ad hac renouauit execrationem Concilii Lateranensis in eos qui ad Saracenos ferrum efferrent, datis literis Theodorico archiepiscopo sexto Idus Nouembris Perusii, quo se Gregorius contulerat, ut exules compeceret.*

ANNO CHRISTI 1237. **CONCILIVM LONDONIENSE**
AVCTORITATE OTTONIS LEGATI SEDIS apostolicæ pro reformanda ecclesia Anglicana celebratum anno Domini MCCXXXVII. tempore Gregorii papæ IX.

TITVLI CAPITVLORVM.

- | | |
|--|--|
| I. De ecclesiarum dedicatione. | XVII. De his qui patribus succedunt in ecclesiasticis beneficiis. |
| II. De sacramentis ecclesiasticis. | XVIII. Contra latronum proteftores. |
| III. De baptismo. | XIX. De esu carniū monachorū. |
| IV. De arcenda auaritia sacerdotum. | XX. De officio archidiaconorum. |
| V. Qui confessores constituendi. | XXI. Ne quid exigatur pro pace reformanda. |
| VI. De qualitate ordinandorum. | XXII. De officio episcoporum. |
| VII. De firmariis & vicariis ecclesiarum. | XXIII. Contra iudices imperisos. |
| VIII. Qualiter ecclesia ad firmam danda. | XXIV. De iusturando calumnia. |
| IX. De eodem. | XXV. De procuratoribus constituendis. |
| X. Qui vicarii ordinandi. | XXVI. Quomodo fieri debeant citationes. |
| XI. Ne leuiter ecclesia absentis alteri conferatur. | XXVII. Ne quis sigillum suum apponat literis quarum confessioni non interfuit. |
| XII. Ne ecclesia vna in plures vicarias diuidatur. | XXVIII. Qui debeant habere sigilla authentica. |
| XIII. De residentia in ecclesiis facienda. | XXIX. Iuramentum ab aduocato prestandum. |
| XIV. De habitu clericorum. | XXX. De actis scribendis. |
| XV. Contra rectores ecclesiarum clandestina matrimonia contrahentes. | XXXI. De cautione prestanda. |
| XVI. De clericis concubinariis. | |

PRÆFATIO.

QVONIAM domum Domini decet sanctitudo & ministris eius, a Domino enim dicitur: *Sancti estote, quoniam sanctus sum ego Dominus Deus vester, fatagit astutia hu-* Ierem. 3.